

泉州府志卷之四十六

循績

士當伏處未遇誰不思表見於時及拜命入官國計民生兩無裨益有指河水清漣譏我尸素者矣泉操土音而性真率鮮捷給脂韋之習所至或多齟齬而視國如家視民如身類能隨時勵職故在內則官守言責殫力贊襄在外則建節司牧極意拊循當其成績懋昭朝野交指而目之曰此泉產也光厥邦家榮及閭里顧不休歟若乃均列仕籍或文獻無徵莫詳事實或履任不久未竟敷施又或屈居下僚起而輒蹶要皆各有所長非苟焉而已

泉州府志

卷之四十六

宋循績

一

國家澄清吏治內外臣工大法小廉其政績殊尤者常不次擢用以勵官方生斯世者其益思自建樹以無負天工人代之義哉志循績附仕蹟

宋循績一

王言徹

陳綱

段全

蔡黃裳

謝徽

蘇紳

趙誠

林杞

呂璫

陳汝奭

謝季成

謝履

楊汲

石亘

宋直方

黃發

劉達

林黃中

曾孝廣

王公濟

蘇伯材

傅惟肖倘

呂諒卿

林景淵

泉州府志

卷之四十六

宋循績

二

江常

陳康年

楊友

徐瞻

吳達老

王言徹字子明晉江人端拱二年進士知南豐縣有治績秩滿赴闕擢知邵州歷漳鄂滁三州在漳時開蓮浦以泄水患翼道植松抵泉境二百餘里在鄂及滁人皆生祠之真宗祀汾陰郡守例遣子弟奉表得恩授官言徹獨遣僚屬曰吾子孫衣白袍入舉子場足矣所著有郡南集瑯琊集子千仞公佐孫景純皆特奏名

舊志

陳綱字舉正同安人父元愷善屬文終龔邱令綱淳化三年進士爲建州觀察推官故事歲春夏率丁夫數萬採茶綱入奏請以北苑茶供御餘皆賦民收其租入在民者官復定其直償之則民不困而國亦利詔如其請建民德之累官淮南江浙荆湖制置發運使弟統統子昌侯俱進士

舊志

段全晉江人咸平五年以將仕郎任仙遊尉下車首務興學遷學邑南作孔子廟據三禮圖作七十二賢像扶植風教作興士類自是文風益臻仙邑志至今侈道焉

閩書

泉州府志

卷之四十六

宋循績

三

蔡黃裳字叔文晉江人大中祥符元年進士知虢縣鳳翔守有親校虢人也招權受金錢黃裳至縣先執校縛傳舍中廼謁守條其奸狀置于法已而改知建陽縣秩滿解去邑人遮使者乞再任朝廷從之在建陽八年後爲陳州從事致仕因寓居陳州卒趙抃銘其墓子確

舊志

謝徽晉江人

一作徽

祥符八年進士爲臨川令歷漳州軍事

推官太守受賄舞法徽据平無所撓訟者不之守而之徽州政得不敗守亦善去改大理丞知龍溪縣縣人曰是故州從事皆喜賀至則決滯訟剗舊蠹民以便安徙

北流縣城郭倉庾廨舍道梁一皆新之就知雷州軍州  
事州臨海不知學爲葺文廟聚子弟教以儒術自是始  
有習舉業者大豪李郁築城得吉印立盜契奪民田百  
餘家五十年不能直有訴於徽者卽捕繫庭下問狀具  
伏而郁老當贖徽條其甚惡不可假卒致以法通判福  
州畫購巨盜悉誅其黨諫議大夫方謹言治廣州辟徽  
貳政廉取番舶輸官之利以招其徠及罷去夷人涕泣  
思之知建州庭無留獄長老紀焉尋知開封之祥符治  
愈精微有聲名朝廷用薦者言將任以刑獄錢穀求便

泉州府志

卷之四十六

宋循績

四

藩得海州會歲早有蝗過境一宿蝗遂死吏民驚歎爲  
異政之應卒於官嘗自言居官三十九年無小過失實  
自平生謹畏子彥輔季成俱太廟齋郎仲規舉進士爲

蕭山尉

閩書叅  
忠惠文集

蘇紳字儀父同安人

宋史載  
晉江人

初名慶民天禧三年進士歷

宜安復三州推官改大理寺丞母喪寓揚州州將盛度  
以文學自負見紳文大驚自以爲不及由是知名再遷  
太常博士舉賢良方正科擢祠部員外郎通判洪州徙  
揚州上十議進直史館爲開封府推官三司鹽鐵判官

時衆星西流代地大震方春而雷詔求直言紳上疏極言時事安化蠻蒙光月寇宜州敗官軍殺鈐轄張懷志等六人紳言今日之患由徃者守將失計而國家姑息太過此時可緩圖不可速取請命轉運使備數年兵食爲持久計扼其出路俾進無抄畧之獲伺便卽盛兵搗巢諭以送款且詔旁近諸蠻毋得相爲聲援如獲首級卽行優賞不出一年逆寇必就殄滅朝廷施用其策遣馮伸己守桂州經制之蠻遂平又陳便宜八事曰重爵賞慎選擇明薦舉異章服適才宜擇將帥辨忠邪脩豫

泉州府志

卷之四十六

宋循績

五

備帝嘉納之進史館脩撰擢知制誥入翰林爲學士再遷尙書禮部郎中王素歐陽脩爲諫官數言事紳忌之會京師閔雨請對上言國之號令不專於上威福之柄或移臣下虛譁憤亂故其咎僭厥罰常暘意以指諫官也諫官亦言紳舉御史馬端非其人改龍圖閣直學士知揚州復入爲史館脩撰權判尙書省紳博學多智喜言事銳於進取顧亦善中傷人改集賢脩撰知河陽徙河中未行卒葬於丹陽子頌

舊志參宋史  
廣西通志

趙誠字希平晉江人天聖五年進士通判撫州郡有疑獄

守刻深趣上薄暮請判誠知翼日有赦故延讞實黎明  
赦果至獲免者衆知歸州州有淫祠曰巴王歲夕殺人  
以祭誠毀祠投像於江州東三十里有新灘前後溺載  
不可計屢議疏鑿旁灘大姓射阻險之利輒以游言沮  
其役誠條奏利害結廬視役既成人號曰趙江卽所廬  
祠焉入爲三司戶部判官出知明州卒于官舊志

林杞字卿材南安人天聖五年進士歷知康雅淄泰四州  
在泰州脩築海埭復良田數千頃使者上課最爲淮南  
第一淄州圭田歲入之外例輸縑六百杞曰田植五穀

泉州府志

卷之四十六

宋循績

六

絹何從出耶却不受以光祿卿乞致仕卒年九十兄植  
亦有文名終著作佐郎從子景淵舊志參

呂疇字季玉號吉甫南安人

閩書廣西通志  
俱載晉江人

景祐元年進

士爲漳浦令立學擇師以教士境內多瘴霧蛇豕之毒  
教民焚燎以耕民有陳姓者死於虎疇立穿虎坑嶺榜  
曰暴吾民者入吾穿明日穿有虎人咸異之汀虔寇發  
募民爲兵教以攻守法賊聞不敢犯旣去民祠焉知衡  
山縣撤淫祠以爲亭館通判宜州儂智高入寇轉運使  
檄疇以兵會將二千人躡其後得賊首爲多調開封府

司錄有中人史志聰役殿廬衛士伐後苑木以爲器用  
木墮殺士事下按驗吏多爲聰地濤疏重其罪志聰以  
謫去濤剛直遇事敢爲必得所守然後已歷守潮懷二

州官光祿卿卒子惠卿升卿諒卿

舊志 參閩書  
廣西通志

陳汝奭字公武晉江人徙居丹徒舉寶元元年進士調遂  
安令知邵武軍後知海州歲飢發賑不俟報爲監司所  
劾汝奭請以身坐母累僚屬朝廷嘉之置不問及母歿  
歎曰不及養矣遂隱居不復出子龍輔

閩書 參江  
南通志

謝季成字子立晉江人以父徽蔭歷大理評事衛尉丞熙

泉州府志

卷之四十六

宋循績

七

寧中累遷內藏庫使知宜廉融邕四州廣西鈐轄峒蠻  
侵叛悉討平之于合浦築城浚隍備禦之具爲一路最  
邕筦外寨戍兵歲物故常千餘請以峒丁代戍而教之  
既不失備且可救死亡咸以爲便元祐中卒于官邕人  
廟祀之號清戎將軍

舊志

謝履字履道惠安人唐御史遜之裔嘉祐二年進士調南  
安簿歷清溪令視泉州爲本貫防檢尤嚴熙寧中主都  
水監遷丞塞曹州靈平決河有功法當改官不自言以  
秘書丞兩知興化軍歷婺州尋乞致仕卒年七十九善

行書隸書有雙峯詩集行世子宗參承事郎孫齊名通

直郎曾孫汝爲元孫汝會俱甲科從弟文龍

舊志  
參  
閩書

楊汲字潛古晉江人嘉祐二年登進士第調趙州司法叅  
軍州民曹潯者兄遇之不善兄子亦加侮焉潯持刀逐  
兄子兄挾之以走潯曰兄勿避自爲姪爾旣就吏兄子  
云叔欲給吾父止而殺之吏當潯謀殺兄汲曰潯呼兄  
使勿避何謂謀若以意爲獄民無所措手足矣州用其  
言讞上潯得不死主管開封界常平權都水丞與侯叔  
獻行汴水淤田法遂醜汴流張潦以漑西部瘠土皆爲

泉州府志

卷之四十六

宋循績

八

良田神宗嘉之賜以所淤田千畝遷淮西刑獄提舉西  
路常平脩古芍陂引漢泉灌田萬頃召判都水監爲大  
理卿遷刑部戶部侍郎元祐初以寶文閣待制知廬州  
崔台符被劾汲亦落職紹聖中復爲戶部侍郎卒

宋史  
參明

一統志  
八  
閩通志

石亘字彥明同安人賡從弟嘉祐八年進士累遷司農寺  
幹當公事熙寧中淮浙江東飢從司農卿張諤賑濟所  
過盡發官府庫置場給散又募人收養遺棄小兒所全  
百餘萬有司劾其不循常法與諤俱罷亘曰使事有指

將以施實惠于民也若以法繩之敢逃罪終陝西運屬  
嘗編漢唐名臣奏議五十卷自爲文集十卷

舊志

宋直方字順中晉江人熙寧三年進士知鞏縣鞏有橋水  
歲敗之直方令父老疏橋柱以殺水怒益伐石爲堤役  
成一邑以爲利使者以率斂劾直方移知王屋性簡素  
雅好山水之勝至王屋卽召家人曰吾某日當爲物外  
之遊至期盥洗正坐而歿

舊志

黃發晉江人元豐初知龍泉縣脩崇學校進諸生講論經

學邑由是多聞人

閩書叅括  
蒼彙紀

泉州府志

卷之四十六

宋循績

九

劉逵字公達同安人元豐八年舉進士第二人調越州觀  
察推官累官同知樞密院事中書侍郎崇寧五年正月  
徽宗以星變避殿減膳逵請碎元祐黨人碑寬上書邪  
籍禁帝從之夜半遣黃門至廟堂毀石刻翌日蔡京見  
之厲聲曰石可毀名不可滅也二月京免相逵與趙挺  
之同心輔政盡更張京所行事進用元祐黨人子弟後  
京令其黨復申紹述之說鄭居中言陛下所建立乃厚  
下裕民何致天譴輒更張耶帝遂疑逵于是京黨論逵  
專恣反覆引用邪類出知亳州京復相再責鎮江節度

副使安州居住京復罷起知杭州後召至都卒贈光祿大夫呂大奎贊曰崇寧之初耿耿孤忠政尙元祐弊革熙豐國事一新公其彌縫千載垂休斯文有功然宋史

稱達附京躡進

閩書

林黃中字伯玉晉江人父臯治平中進士調建州理椽雪活獄囚註誤不受賞格黃中元豐八年進士調永豐尉有張生者貧負租黃中密以俸代其輸張生未幾擢第遷歸善令有院僧與豪民爭田各持嘉祐契券界至歲月皆同先後令不能決黃中遣吏取架閣文字嘉祐年

泉州府志

卷之四十六

宋循績

十

者審之紙札與僧契同豪民伏辜知彭城彭號盜區訟藪黃中治甫半年獄空幾兩月部使者以聞傳宣獎諭

舊志

曾孝廣字仲錫晉江人公亮從子元豐末爲北外都水丞元祐間大臣議復河故道孝廣以爲不可出通判保州久之復原官歷水部員外郎河決內黃詔孝廣行視遂疏蘇村鑿鉅溝導河北流紓澶滑深瀛之害遷都水使者洛水瀕歲溢涌浸齧北岸孝廣按河堤得廢渡口遺跡曰此昔人所以殺水勢也卽日濬之累石爲防自是

患息出提點永興路獄累遷戶部侍郎進尙書坐錢帛不給罷爲天章閣待制知杭州又坐聘契丹失使體奪職尋復之知潭州胡安國提舉湖北學事舉永州布衣王繪鄧璋文應詔爲蔡京所陷置獄推治衆爲危言孝廣徃唁退謂僚佐曰胡提舉凝然不動賢於人遠矣遷顯謨閣直學士知鄆州竟坐大觀中與胡安國鄒浩忤時相爲御史所論奪職尋復原官以疾卒贈正議大夫孝廣涖官以嚴稱獲盜輒碎其手焉

舊志參  
閩書

王公濟字經國晉江人年十八登元祐六年進士宣和間

泉州府志

卷之四十六

宋循績

十一

知溫州瑞安縣時方臘攻浙東諸邑掠黃巖樂清直趨縣境欲遂窺閩中公濟石邑豪及父老諭之揀丁壯得五千人朝夕肄習分守要害與尉梁公範躬擐甲胄九十餘日不入廨舍民樂爲之死賊至令夏祥輔褒等迎擊之賊避其鋒遁去最後悉衆以來公濟先募士繡大旗爲福建路槍杖手字旣陳張旗賊望見以爲援兵至大驚卽引退賊平公濟代還以疾卒有司上其功官一子瑞安聞公濟死市哭累日立廟祠之徐師仁爲之傳而贊之曰公濟以小邑嬰賊鋒誓以死守雖張巡劉昌

輩何以遠過閩不被兵公濟力也

舊志溫州府志

蘇伯材字延構晉江人紹聖四年進士知潮州有富民殺其姪女懼而賄吏爲密懷黃金三十斤置伯材所具言求毋入狀伯材立械治之籍金于官辭連縣佐按之帝聞下詔褒美擢知韶州憲司吏誣執翁源民爲盜以倖賞因賂縣官梁格使就獄殺之伯材廉其事疏論格坐黥海島吏伏辜其廉正類此著有周易解義三十卷及文集藏于家從兄珍玠子松俱登進士第松與東坡唱

和有文集一編

舊志參廣東通志

泉州府志

卷之四十六

宋循績

十二

傳惟肖字應求南安人紹聖四年進士知清江縣屬歲歉發倉賑濟飢民赴糴攘奪之巡尉希賞欲以強盜論惟肖笑曰迹則似矣顧未嘗結徒操兵柰何加以重辟由是全活者衆終岳州通判閩書作徽州惟肖子尙爲潮州錄叅蠲上供耗銀民德之知肇慶府端溪有紫石可爲硯屬縣以石工占胥無慮數十尙悉斥去之舊志

呂諒卿南安人璫之子

閩書載晉江人

元符中爲溫州軍事推官

上書詆紹述新法之非崇寧元年編類元符章疏姓名諒卿以邪等尤甚入黨籍追官勒停亳州編管御書姦

黨碑以賜惠卿惠卿自劾求罷奏乞令出籍諒卿廢錮  
終身紹興二年贈宣教郎官其家

舊志參  
閩書

林景淵字深父南安人杞從子崇寧二年進士歷官知惠  
州招捕土寇劉德隆降詔獎諭未幾請老嘗夢神人贈  
以詩曰平生萬事皆安分須信靈臺一點清歸去分明  
無障礙蓬萊兜率是前程一日命家人具袍笏曰吾將  
朝真去矣時李邴與之隣居聞之折簡來言曰釋老之  
道與孔子不殊但會曾子易簣子路結纓無餘事矣景

淵啓簡視之整衣冠而卒

舊志參  
閩書

泉州府志

卷之四十六

宋循績

十三

江常字少明晉江人崇寧五年進士累官給事中靖康初  
知福州建州賊乘流趨逼州城常登陴呼其酋諭以禍  
福賊羅拜城下遁去靖康以後州卒驕橫灌趨牙門常  
蹤跡得其尤黠者付保伍因事去之士始識紀律尋奉  
祠歸益薄榮利歲飢倒廩賑濟父喪廬墓以壽終有外

制十卷文集二十卷

舊志參  
閩書

陳康年字季昌晉江人政和二年以上舍選知海陽潮陽  
二縣捐俸以貸逋賦運私穀賑飢民當路交薦通判潮  
州攝州事黎寇犯境嚴備卻之歷官二紀公廉如一日

潮人與陳堯佐並稱二陳孫謙淳熙中登第爲興化軍

教授

舊志參閩書  
廣東通志

楊友字叔端晉江人政和二年武舉及第第一知欽州先是交趾越界與前守爭鹽利謀舉兵及友至遣使來通好宴交使于天涯亭賦詩友賡韻云可憐鱗細閑驚躍誤把新蟬作釣鈞交使嘆誦稍語及地界友植鐵鎗於亭曰能鏖戰耶悚息而退謀遂寢郡人因呼爲楊鐵鎗擢知廉州故事貢珠令民採取多溺死者友市於他州以充貢所得恩澤先奏三兄子各一人云

舊志參閩書  
廣東通志

泉州府志

卷之四十六

宋循績

十四

徐瞻字德望晉江人少由三舍貢辟雍擢政和五年進士歷理官三任知海陽政平恕通判廣州臺閩交薦當得州同年秦檜當國恚其不求己不與坐是不調杜門十五年觴詠自適守周葵表其里曰興德取治獄多陰德子孫必興之義從孫挺伯嵩履正

舊志

吳達老字信遇初名天經惠安人謂姪孫政和五年第進士丞建昌時朝廷更鹺法達老與令謀如此則鹺商重困堅執不行曰雖得重罪無害申軍乞奏未報閒朝廷覺而罷之後知惠州大興學校令僉判陳鶴掌教事執

經者數百人有承節郎謝革者遣兇徒劫掠仇家刃殺其主焚所居室獄具達老慮賊黨奪囚先處革以極刑乃自劾待罪有子七人兩遇郊恩先奏薦弟廸老述老其弟以兄多子未霑命爲辭達老曰一官不足爲吾弟榮聊以慰母心耳母年八十餘三乞奉祠侍養不出後改知潮州卒于官子延賞者二人

舊志  
參  
閩書

宋循績二

陳孝則

陳穎

徐光實

趙汝倣

泉州府志

卷之四十六

宋循績

十五

吳岡

王侃

林扞

趙公迴

黃逸

柯宋英

黃適

楊夢齡

王柅

劉敏求

傅自脩

柯知彰

曾覺

王顯世

莊方

曾植

楊楸

中立剛

翁點

陳 研

陳 樸

方 烜

鍾元鼎

曾 秘

趙伯暹

許 衍

盧應時

林宗臣

陳孝則字永仲晉江人從易孫

閩書隆慶志俱云從易從孫

宣和三年

進士調東筦尉獲盜不言賞薦改通判潮州納苗賦令

民自槩量知英州代還奏罷涵口稅場人便之除廣南

東路提點刑獄有盜繫獄賂守獄者逸去誣繫他舶商

泉州府志

卷之四十六

宋循績

十六

以代孝則覆驗得其冤釋之後十餘年商過里門望廬

拜焉闢所居室名曰清取仁宗飛白賜其先人之義郡

守王十朋嘗贈以詩其沒也復為詩哭之曰心勞撫字

陽司業獄喜平反雋不疑頭白不忘文字樂室清宜作

子孫規年八十有二子穎弟知柔

舊志參閩書

陳穎字奇之晉江人以父孝則蔭入官知海陽縣治尚寬

慈盡蠲無名之賦通判興化軍知邕州徙惠州妖覘嘯

徒策日為變帥臣欲以兵捕之穎謂捕則堅其必死之

心不若撫之竟就招改提舉廣東市舶卒孝則以清著

穎亦廉謹世其家

舊志 廣東通志 閩書

徐光實字德充瞻從弟登建炎三年進士知海鹽縣歲旦放獄囚歸省吏白恐亡去爲累曰我以誠遣彼必不以僞應囚感激如期皆至知英州受代以月五日郡例新舊守並支俸光實謂已替則不事其事辭不受徙連州嶺表少廉吏光實一介不取曰吾以是娛親也卒年六

十二

舊志

趙汝倣字唐卿晉江人太宗八世孫紹熙初與父善新弟汝僕同第進士郡守表其里曰三秀善新爲封州倣汝

泉州府志

卷之四十六

宋循績

十七

倣通判德慶府築隄障晉康江亘三十里先是瀕江苦澇至是皆爲上腴知賓州築城覆之以屋鑿七井城中以免江汲民便之提舉廣東市舶遷提舉常平茶鹽歸

卒

舊志

吳岡字稚山惠安人初以辭賦預貢不第取所業焚之曰是不足爲乃潛心經學紹興八年第進士教授陝郃二州二州僻陋人不知學岡治學舍以經學指授諸生始有第春官者後官夷陵卒州人廟祀焉自號耐閑翁有詩集六卷黃維之爲序陳知柔銘其墓子寅侄憲甄俱

特奏補官

舊志參  
閩書

王侃字仲和南安人炳孫歷官肇慶糾曹時倅王衣俘商人數百名以盜分囹鍛之將以爲功侃持不可倅適攝郡督成愈急同僚以危言怵之侃曰吾守職耳他非所憂也會移獄五羊帥親鞫得實破械釋之知漳浦後倅

福州未拜命卒子顯世

舊志參  
閩書

林杆字廷植晉江人紹興十八年進士除歸善尉獲鹽盜十餘人白郡守請寬其罪不希賞格或諭之杆曰吾爲官忍幸赤子之無知以爲功哉轉肇慶教授初杆游太

泉州府志

卷之四十六

宋循績

十八

學與林孝澤友善至是孝澤持節行部不入官舍而館于肇慶之學一日杆謂孝澤曰公宜他徙毋重困我因出守貳已下書一束示之皆未啓緘孝澤止啓守書予以薦牘翌日守持白金詣杆謝杆驚曰何使君待我薄也守慙退始杆居里故人爲舶屬來訪見杆一室蕭然惟案上圖書數軸從容謂曰仙居海濱豈無可委諭者杆曰此言何爲至我遂不復謁謝遷南恩州僉判卒于

官

舊志參  
閩書  
廣東通志

趙公迴字仲和晉江人紹興二十一年進士除汀州戶曹

隆興御極郡卒忿支賞緩羣譟譙門繫錄曹某將加害公迴諭之曰貲與命孰重叛則爾誅貲於何有姑歸營出知錄錢於我乎取衆始定錄雖生還遭毆瀕殆公迴白守將梟倡亂者十餘州以無事知邵武軍以留正薦召對知西外宗正事改南外攝州事莅政簡潔人不敢干以私移西外陞直秘閣復轉外卒年八十三公迴貴達不肯治第居盤龍僧舍晏如也兄公逮見選舉志以長于樂府稱舊志

黃逸字德後晉江人紹興二十三年知興化縣政本至誠

泉州府志

卷之四十六

宋循績

十九

尤崇學校建議道堂日集諸生講論刮劇時主簿顏思魯尉葛元樵皆知名之士邑號得人書

柯宋英字子飛始居南安徙晉江紹興十八年太學補試二萬餘人第一二十四年進士教授四明除國子正遷本監簿力求外補知梅州闢齋扁曰景程程名旻南齊時州中隱君子也以德行聞訟者不質諸官而取正於程人思之與韓文公並祠于學程鄉所由名縣也英至任滿獄無死囚人以德化不減於程代還三奉祠館挂冠納祿杜門謝客州縣官稀識其面初教授四明守王

公十朋贈以詩有不于一介將行李慨爲孤甥罄橐金之句鄉士無少長皆以鄉先生稱之卒年八十六

舊志 廣

東通志

黃適字德夫晉江人以詞賦稱紹興二十七年第進士治廣州東莞縣不苛而辦帥意縣有餘藏會適謁府遣椽

襲其賦椽奉意指籍常賦爲贏以獻他日府責賦適報椽已輸矣府豈欲令再斂耶卽文移數十訖無以償而

止帥因薦適治狀籍記中書秩滿守新州

舊志 參 廣東通志

楊夢齡字子壽晉江人世永子父死時在官廨中年十四

泉州府志

卷之四十六

宋 循 績

二十

以侍父當錄夢齡詣部乞改奏兄迄如其志後登紹興二十七年進士調瑞安丞攝縣事歲疫聚食病者千餘于僧寺捐俸資爲藥粥日親察視悉賴以活浚復塞之河數百里後邑宰藉以冒賞夢齡終不言宰平陽屬河患捐俸錢五十萬首其事脩斗門壅之役成民爲生祠秩滿當道交薦欲處以六察俄卒于旅舍邑人聞之罷市哭哀金入都扶護以歸姪炳

舊志

王柅字嘉叟北嶽人父辟章官著作郎娶丞相趙挺之孫女建炎南渡從諸趙卜居于泉遂爲晉江人柅少負才

名雖以蔭補官諸公競推挽由勅局刪定官登對改樞  
密院編脩官歷刑部侍郎在官每抗疏言論切直後丐  
祠歸泉南寓僧寺未嘗一問貫產其詩有投老歸來乏

一錢之句

八閩通志

劉敏求字好古晉江人驥子紹興中爲大理寺評事面對  
言比年監司郡守有以一章而舉二人甚至三四人前  
所舉者未用後來求者復舉之名曰改舉黷害風教莫  
此爲甚乞申嚴法禁無故而改重寘以法從之累遷刑  
部侍郎明律令刊定新書平治大獄皆有始末以秘閣

泉州府志

卷之四十六

宋循績

二十一

脩撰知南劍治行尤異改臨漳卒于官

舊志

傳自脩字勤道晉江人紹興中監泉市舶務宿弊十去八  
九後番商爲貪吏所困號泣岸下或詰之對曰昔官有  
鬚而白者主我故多載今不見此官人衆奪殆盡聞于  
朝由福建機幕除提舉福建市舶番商舉手相賀知潮  
州海寇猖獗自脩招降之請于朝籍爲水軍賴以控扼  
海道累官直寶文閣將漕江西卒

舊志參  
閩書

柯知彰字仲晦述曾孫祖昉以學行稱由南安徙居晉江  
大觀初郡以不求聞達薦召赴闕命下而卒知彰擢紹

興三十年進士爲海豐合浚靈溪陂溉田三千餘頃民懷之終通判福州子汪洪俱登第洪嘗以詞賦首鄉薦文行爲後進表

舊志參  
閩書

曾覺晉江人紹興末令繁昌歲飢發廩賑給又捐資脩葺

學宮

南畿  
志

王顯世字子翼南安人侃子以廕補興化錄事參軍有從官起家守泉與鄉士爭田囑使爲地顯世不可奪以歸士一郡稱快受輸卻斛面不取同列爲寄倉將更吏以數上顯世不願給云歸當取之吏白一去此不可得笑

泉州府志

卷之四十六

宋循績

二十二

曰吾不可得子孫不可得耶終身未嘗干廌真西山曰爲德行之士改秩去寧都縣卒顯世書無不讀以詩名大篇尤婉麗奇古與里中趙彥慧韓雲瑞翁定僧宗達太初爲王樓風月社有容安摘藁十卷

舊志參  
閩書

莊方字邦直晉江人隆興元年進士歷富沙鎮官莆守擅放民租詔漕司覈實判官王佐以委方且數其虛誕沽名之過方援汲黯矯制事以對且謂減放皆實惠守得釋爲福建機幕或請更鹽鈔事下帥司方歷陳不可遂寢知昭州改瓊筦政尚廉靜萬安黎爭田守擅興師致

敗坐累罷歸後起叅議京西卒子柟舊志

曾植字子直晉江人太學上舍生用孝宗登極恩釋褐累遷勅令所刪定官司農寺丞輪對言用人之道不當以南北文武二其心又不當以腐儒之故廢棄眞儒復言勅令所刊乾道新書三事會大理丞闕孝宗諭執政曰曾植久任勅局深曉法意向輪對奏劄甚耿耿姑以是命之求外補知南劍州陞辭奏三事一曰監司當擇其才二曰關節請託都下尤甚三曰謀國勿用小人以漢恭顯唐訓注爲戒上大悅出奏劄付執政改知湖州未

泉州府志

卷之四十六

宋循績

二十三

赴卒

舊志叅  
閩書

楊楸字楸之晉江人朝奉宏才子乾道二年進士知永福縣休澣輒乘小車行阡陌訪民疾苦遷提轄權貨務以卒初宏才官四十年殖產錢僅八千且以先廬遜其弟及楸復以奩田遜弟眩鄉人義之弟中立字南強知龍巖縣捐俸築南隄民賴其利終知貴州楸子剛字時父峭直能文辭朱文公稱之終贛州理椽有集二十卷舊志

叅閩書

翁黠字沂伯先莆田人登乾道二年進士徙居晉江歷官

湖南運判奏除本路酒榷行部潭衡閒官道濘淖磬爲坦途爲江東提刑常平使者行役法民多不便點貽書諭意亟更之郡人爲立碑開禧初有旨調赴行在御史徐枏韓侂胄黨也劾點寢召命點上章自辯謂枏私託不行所以貽怒且侍郎楊輔秘書劉起晦皆今之望枏報怨併兩人皆論罷中外失望韓侂胄見其章大怒追三官送新州安置卒于貶所人皆傷之

舊志參  
隆慶志

陳研字叔幾晉江人濠州判詳從姪乾道二年進士官臨汀上疏乞弛鹽禁且請置寨柳陽團以備鹽盜詔從之

泉州府志

卷之四十六

宋循績

二十四

權貴欲引爲御史先諷之排擊故相研曰公議不可犯故相不可彈以忤去提點湖南刑獄永有富人吝於施被乞者毆死官吏利其賄反抑死者家爲誣在理十五年研平反之徙計度轉運使屬州故有鐵纜錢爲民病研曰今無用鐵纜而折直未除何也悉去之遷起居郎

卒研通經學詩書易禮皆有解

舊志參  
閩書

陳樸字端行晉江人知柔姪乾道五年進士爲江西運司主管文字以薦入提轄左藏大理寺正知漳州擢浮費五萬爲民代輸身丁提舉湖北常平召除倉部以左司

郎官接伴金使舟行大江中流風暴作金使駭汗樸笑  
傲自若曰此天之所以限南北者守疆息民順天則天  
福之江有神不可欺也使悚然擢太常卿除知廣州兼  
廣東安撫革弊例帑羨溢受代儲錢數十萬上于朝子  
亞卿終知廉州直卿知英德府弟機模

舊志 參  
閩書

方烜字成章惠安人幼聰慧治周易兼長辭賦兩薦鄉書  
登乾道五年進士分教臨賀撤學舍而新之立規約月  
書季考一如閩中隣寇發將及境守倅以下無策亟召  
烜烜至部健卒出城南登高望寇所在以示武旌旗蔽

泉州府志

卷之四十六

宋 循 績

二十五

天賊果宵遁秩滿歸視邑庠隘陋率士子請蔡令易遷  
於登科之陽赴調再分教建寧未上卒

舊志 參  
閩書

鍾元鼎字和卿晉江人乾道五年進士知鄞縣政尙愷悌  
恥以操切爲能賦輸不時臺府諒之終通判福州弟元

震見選舉志

舊志

曾秘字泰之同安人與朱文公友善乾道五年進士薦授  
國子監丞知惠州時盜賊蜂起道路不通秘捐俸繕亭  
驛增冷泉叱馭秀麗等庵設兵防守以便行者後知漳

州惠民遮留終朝奉大夫卒

舊志 參  
同安志

趙伯邊字致遠太祖七世孫居晉江乾道五年進士知瑞金縣以大臣薦知南恩州下車蠲積逋爲緡錢萬乞減額丁米寬民力改德慶府立貢闈脩郡庠提點廣西刑獄移廣東轉運知漳州蠲鬻鹽宿負以羨錢造浮梁便行者知西外宗正寺卒

舊志

許衍字平子同安人慷慨喜言事隆興二年以太學生伏闕上書士論躓之乾道八年上舍登第嘗進本論二十篇言四民利害及上供銀攬戶之弊朱子與書謂其仁人之心未嘗忘天下之憂條究汀漳泉經界甚悉通判

泉州府志

卷之四十六

宋循績

二十六

建寧府未赴卒子伯詡以陰入官知僊遊縣終福州府

通判

閩書叅  
雍正舊稿

盧應時字泰夫惠安人瞻孫乾道八年以特恩除廸功郎淳熙七年授寧德縣簿裁決疑獄民服其神時有爭牛者令不能決以屬應時挾姦者知不能欺卽歸其牛應時少好學能文時以文學政事兼長稱之

舊志叅  
閩書  
寧德縣志  
明書

一統  
志

林宗臣字景何晉江人乾道八年武舉第一歷襄陽機宜擢闔門舍人輪對言泉漳汀三州經界不行之弊憤激

深切意有所指朱文公亟稱之出知欽州條奏邊備甚

悉卒于官舊志

宋循績三

趙 悰

王保隆

趙師璉

李 綸

莊 柟

儲 用

陳 震

王克恭

林 谷

儲 擢

曾賀孫

黃 夔

泉州府志

卷之四十六

宋循績

二十七

趙善謚

善謚

薛舜俞

薛舜庸

楊士豁

保中

諸葛直清珏

傅 壘

連三益

錢德謙

廖叔政

傅 烈

留 恭

留 碩

吳子斌

梁克俊

趙悰字彥忠父待制思誠守泉因居晉江與朱文公友善  
為福建運管以鹽法病民請恤竈戶均敷額歲衍鹽二

百萬劬犯法者息知惠州覈積年吏弊得米七千斛錢  
五萬緡入于公斥其餘以惠民歷提舉常平卒于官子  
誼好學能文聚書萬卷終知富陽縣說守南恩州舊志  
王保隆晉江人以大理評事知莆田縣於鳳凰山下開永  
豐塘民獲其利舊志

趙師璉字德玉太祖八世孫居晉江淳熙二年進士知古  
田縣通判汀州上杭峒酋結連他峒叛尅日齊發師璉  
廉知伏卒峒口俟其出一戰擒其酋郡賴以安民感而  
祀之知德慶府卒舊志

泉州府志

卷之四十六

宋循績

二十八

李綸字世美晉江人邴第四子以父任仕官所至有清操  
淳熙初提舉廣東常平日適其兄維出守恩平酌于江  
濱弟兄相勵以清白傳家之語綸慷慨言曰倘負吾民  
有如此水遂投杯於江時江流洶洶杯停不沒者久之  
觀者無不驚嘆民歌之曰石門之水清且清晉吏一軟  
千古榮爭如李公投杯盟江流洶湧杯停停至今刻石  
與吳隱之酌貪泉詩並存舊志參廣東通志

莊柎字子脩晉江人以父方任補官荆湖制帥趙方器之  
辟信陽判官攝守事北兵圍城與戰破之改羅山令建

言遷治霸山之便朝議是之仍依萬弩關築山砦北兵至阨關擊之擒其木牌郎君通判江陵海櫃久廢率令脩復之築櫃八隘口十三又增三海益兵守隘以時停

泄知峽州終江東叅議官

舊志

儲用字行之晉江人淳熙十一年進士知建陽縣有惠政朱文公亟稱之會黨禁起罷去後再道縣民擁車呼曰此好長官我輩共思之擢守光化移襄陽鄧民樊快明率衆來附制司約回時剿之用爭于朝謂剿不勝則吾代敵受禍勝則吾代敵受怨他日豪傑謂吾戮已降更

泉州府志

卷之四十六

宋循績

二十九

以仇我則吾代敵受仇復貽書制閩力言之制臣大恚竟以是罷歸時海寇犯泉境與泉守真德秀協謀捕其首趙郎餘黨遁去後直文華閣知廣州未上卒子擢知

雷州

舊志

陳震字省仲晉江人淳熙十四年進士知甌寧縣歲旱賑飢捐俸爲倡再令新建適更新楮以帑積舊券代下戶輸租通判饒州知韶州攝憲節卻臺府例券數千緡召除軍器監丞遷大府丞奏乞減二廣丁錢繕邊郡城堡填諸州軍籍奉祠歸里卒有春秋解史編雜著數十卷

志舊

王克恭字彥禮南安人淳熙十四年進士教授循州廸以禮義講授不倦知寧德縣興學愛民政績丕著以最聞通判廣州海寇掠境盛夏力疾督師擒其酋以徇辟知新州奏減丁米民德之累遷度支駕部郎中奉祠歸起知興化郡汀邵寇作議築城捐不濟院錢數萬緡相其役屬邑點集民兵措置乖方幾激變鯨其胥諭平之在郡六月卒子道翁以國子生知海陽縣

舊志 寧德縣志 閩書

林谷字聲之號介菴先福州閩縣人徙居晉江淳熙十四

泉州府志

卷之四十六

宋循績

三十

年進士知上虞縣通判嚴州以倪思薦召審察時權臣柄國有欲媚之者挽谷輸金為壽谷嘆曰書生攻苦焉有以奉權貴若然但以審察餌我耳遂註潮州通判歸居官善審讞或疑其以術鉤致谷笑曰吾何術臨事心無私繫而已人以為名言子顥奉議郎知寧化縣

舊志

儲擢晉江人廣州守用子淳熙間守雷州築城垣脩志乘

興社學遴民俊而教誨之郡治煥然改觀文風漸振

廣東

志通

曾賀孫

通志 賀作 荷

字景卿晉江人淳熙中為懷安簿方弱冠

薦知崇安縣下車首蠲合戶錢歲二百萬邑罹水災募舟濟溺煮粥哺飢便宜發廩出貨自輟俸錢償之朝廷遣使巡行民遮道言狀使者爲上其勞竟以勤民得疾

卒

舊志

黃夔字一之以蔭補官歷知貴鬱林宜等七州所至以廉惠稱宜溪蠻偕卒爲暴部刺史辟爲守至郡殲其酋諸峒爭納款事聞遷三秩五嶺瘴惡仕者計日待還夔往來三十年家人皆無恙郡守黃朴表其里曰慶遠

舊志

趙善謚字寧甫居晉江太宗六世孫淳熙進士知仁和縣

泉州府志

卷之四十六

宋循績

三十一

治辦有能聲除軍器監簿有厄之者改提轄權貨務以言者得祠卒弟善謚

廣東通志作善謚

字安之以文稱與善謚

俱省試第一守典宗表其居曰襲魁嘉泰中知循州勤恤民隱茅居者悉瓦之病涉者爲之成梁興利除害靡不殫心改知永州治行亦可紀卒于官循州民爲立祠

舊志  
參廣東通志  
一統志  
惠大記

薛舜俞字欽父同安人紹熙元年進士教授南劍州未上三府交薦差江西漕司幹官堂審除吏部架閣以言者罷後起江東常平幹官與其長李道傳賑荒多所全活

改知金華縣守督宿逋苛峻舜俞引誼力爭寬期示信  
民悉樂輸罷歸卒舜俞問學淹貫議論磊落挾負才氣  
仕數齟齬里居教授門人多通顯著有文集及易抄詩  
書指三百餘卷弟舜庸

舊志閩書參  
道南源委

薛舜庸字惠父同安人舜俞弟紹熙四年進士調龍溪尉  
改分寧丞嘉定閒知古田縣民間牛死例輸錢于官舜  
庸嘆曰民不幸喪牛又責入錢是重困也立命除之增  
廩餼建閣藏書以惠生徒通判興化軍未上卒

舊志

楊士豁字伯達晉江人紹熙四年進士爲寧德丞廉勤有

泉州府志

卷之四十六

宋循績

三十二

爲民懷其惠令貪虐繆巧恆媚忌之及令被劾去民遮  
道戟罵留其裝士豁衛之出境人稱其厚德遷知長溪  
縣以廉簡稱尉少年盛氣有不慊輒捶縣吏旣而謝過  
士豁曰長溪尉治長溪吏何謝爲晚知連州未赴卒子  
保中字和卿嘉定元年一甲進士爲文典瞻析理尤長  
寶慶初下詔求賢大臣多舉以應詔知長汀縣卒楊炳  
誌士豁墓曰欲知其廉視其居欲知其志視其仕欲知  
其法視其子

舊志參  
閩書

諸葛直清字子嚴南安人廷瑞子以父任歷海口鎮主管

南外睦宗院知海陽縣潮多水患諭衆築堤以捍田利  
周十保民名其田曰諸葛田通判廣州奉祠凡十二任  
終奉直大夫知臨安府事封開國男食南安縣三百戶  
子珏琰珏爲番禺令始創鬻宮歷官韶州通判爲陳北  
溪門人刻北溪大學中庸衍義

舊志參閩書  
李遜齋述志

傅壘字仲珍晉江人伯成子慶元二年進士知崇安縣聽  
訟得情吏不能欺以鹽息錢糴粟爲均惠倉買田以增  
學廩築舊堤以防水患立義塚以葬露骨邑人爲立祠  
以課最召累遷大理丞歷陽倅葉禾爲豪商註繫大理  
泉州府志

卷之四十六

宋循績

三十三

獄具稱冤壘審覈得實卿以下患之臺劾俱罷旋以獄  
眞知南劍州改漳州先是伯壽伯成相繼守漳壘治如  
其父邦人安之徙撫州丐祠端平初以都官郎召未至

卒

舊志參  
閩書

連三益字叔友安溪人傅伯成奇之妻以女登慶元二年  
進士知沙縣爲政明簡庭無留訟及去民遮留千數倅  
廣州受訓於伯成盡却餽例人服其清再倅紹興未上  
卒子端慤知建寧縣

舊志參  
閩書

錢德謙字牧仲南安人熙從孫慶元二年進士知無錫縣

裁豪右以法號強項令旋罷復知華亭益有聲擢諸司料院仇者讒之復罷召爲秘書郎遷崇政殿說書內艱去晚除秘書監兼侍講知建寧府卒贈朝議大夫舊志書

廖叔政晉江人慶元二年武舉歷上林興寧令瓊管寇作帥命督捕輒以捷報復擢古縣徭寇臺閩上其功辟守吉陽改高州就除邕管逾歲以祠歸里里有海寇之警與寓公儲襄募集民船掩獲其酋郡守眞德秀薦守金州命未下卒閩書

泉州府志

卷之四十六

宋循績

三十四

傅烈字承仲晉江人以易學名家他經諸史皆淹貫授徒戶屢常滿慶元五年第進士試中教官科歷南劍惠州教授講經課文矩矱整飭改知保昌縣通判循州憫鹽鈔抑配屬邑之擾招誘商筏平直售之不取贏潤民懷其惠知梅州未上卒烈事親孝恬於榮利當世稱之子天驥移居南安舊志參  
留恭字伯禮晉江人正長子嘉泰中通判廣州秩滿民疏其惠愛二十事請留部使者薦知南康軍其政以朱文公爲法提舉浙西常平境內大飢悉力賑卹全活三十

六萬六千餘人知紹興府蠲租省役罷遊宴絕餽遺杜  
請謁號稱循吏改知廣州徭寇竊發捕降其豪酋平四  
十四峒以直徽閣奉祠起知建寧府卒贈秘閣脩撰子

元剛

舊志閩書參  
廣東通志

留碩字季膺晉江人正季子歷全廣南劍州通判知南恩  
州言廣南州郡兵弱乞刺填軍額以備不虞理官縣尉  
乞覈官簿不授註耄繆者知岳州講荒政閣租稅民便  
之爲大理寺丞請立武舉解額試于諸路帥府中試于  
兵部事雖不行論者是之知會昌軍卒子元長元亮

舊志

泉州府志

卷之四十六

宋循績

三十五

吳子斌字伯全同安人少遊上庠有文名嘉泰二年進士  
知南豐縣有惠政秩滿民詣臺借留者千計通判肇慶  
府卒于官

舊志

梁克俊字叔明晉江人嘉泰初知循州積帑數千脩城葺  
學循人多其功祠之縣治

舊志參廣  
東通志

宋循績四

曾治鳳

顏 楠

留元剛

劉用行

莊 壬

黃學行

趙汝佟

陳洪

許巨川

莊夢說

董洪

趙時煥

鄭至果

留元英

蔡次傅

曾用虎

傅康

王沂之

魏必昌

王序

洪天驥

留元亮

留元圭

諸葛琰

泉州府志

卷之四十六

宋循績

三十六

邱雙薦

許伯詡

陳景魏

牟滌

周鐘

林介卿

劉叔智

曾治鳳字君儀晉江人從龍季弟開禧元年進士歷官廣東提刑以從作監知袁州復直煥章閣帥廣東性簡儉愛惜公帑毫不妄費寇發循惠閒郡請兵捕追不從決計諭降之端平二年進直徽猷閣改知建寧會戍卒挺亂薄廣城時已解印引咎乞罷奉祠數年卒

舊志

顏橐字子養

廣東通志字養正

由永春徙晉江開禧元年進

士授藤州教授擢會昌令調南康繼調南海惠以威濟  
寇盜斂跡考最擢循州通判歷知梅州贛寇陳三槍萬  
衆逼城四十二日橐激厲將士分隅拒守又合蛋船布  
水陣攢矢射之賊遁去帥上其功會病卒

舊志參閩書永春舊志廣

東通志南海縣志

留元剛字茂潛晉江人恭子博聞彊記爲文奇峭開禧二  
年試博學宏詞科與真德秀並置異等除國子錄嘉定  
初遷秘閣校理累遷直學士院尋遷軍器少監權起居

泉州府志

卷之四十六

宋循績

三十七

舍人剛言國朝左右史立御座後今迺立躲殿之東乞  
復侍立脩明舊法以內艱去起知溫州勤恤民隱百廢  
皆脩發奸摘伏人服其精敏移知贛州罷歸卒元剛蚤  
負盛名見嘉定更化以後大臣寢謀固位慨然有振刷  
斯世之志嘗言今日有貧國貧民而無貧士大夫以大  
用自擬已迺鬱鬱不樂築圃北山號雲麓吟適其閒著

有雲麓集

舊志參閩書

劉用行字聖與南安人昌言七世孫嘉定元年進士爲零  
陵令以最稱後知巴陵崔與之召歸用行上謁崔迎問

曰昔爲零陵令有聲非公耶魏了翁貶渠陽戒僚吏勿謁見用行扁舟詣之與語竟夕通判道州蠻入內地單車臨城諭使自新蠻感泣去除知桂陽軍召爲太常博士出知潮州創城壘遷貢闈士民便之詳刑使者貪暴盛夏馳卒逮平民用行命左右掩卒得其贓釋民械卒引章自劾使者削秩用行亦坐貶知贛州刷前蠹聲華煒然終于郡用行質貌脩偉遇事有執詩文典麗有北山漫游十卷雜稿二十卷

舊志參閩書南安志

莊壬字子中惠安人工詩嘉定元年登第尉永嘉鹽寇掠

泉州府志

卷之四十六

宋循績

三十八

境憲司符夜至壬不待白郡亟發卒偕巡檢率寨兵俘盜數輩上謁守楊簡怒其擅命欲行軍法建燾會僚屬立壬與巡檢燾下巡檢懼拜祈免壬屹立不動通守以下爲請曰尉權以濟事可旌也何誅爲簡意解乃釋衆強壬拜謝竟不拜拂衣去諸臺壯其節文章薦之終海

豐令

舊志參閩書

黃學行字上甫惠安人嘉定元年進士教授全州嘗集歷代褒崇先聖故實冠服奠饗儀註爲尊師始末上之詔頒太學通判建寧府知循 贛寇據松梓山作亂招捕

使合兵破之奔逸嶺外學行激厲吏卒追擒其酋以獻  
遷秩因乞增州兵從州節制年六十一卒著有史說坦

齋類稿

舊志

趙汝侉字臺卿晉江人太宗八世孫先以父任遜其季季  
尋天復與其兄子侉登嘉定四年進士端平初除知鬱  
林州陞對言國家頻年多厄乞謹德脩政以弭災召和  
時謂得宗臣進言體將行改韶州以平易爲治卒于官  
汝侉爲人清曠託僧廬以居子麟彪霏俱見選舉

舊志

陳洪字禹範南安人由太學登嘉定七年進士教授新州

泉州府志

卷之四十六

宋循績

三十九

轉致中州書數千卷以誨學者知莆田縣有惠政通判  
建寧攝府事兵燹之後痛加撙節郡計以裕眞德秀薦  
其謹厚可用晚閒居號淡軒弟浩嘉定十三年進士連

城令有文行

舊志

許巨川字揚甫同安人學得伊洛之傳嘉定七年進士歷  
廣州建康教授篤意訓誨成就甚衆士祠之學改秩知  
東筦縣捐橐金新學宮給沒官田一頃八十三畝歸學  
贍士儲錢十萬爲異日脩治費邑務雖繁常與諸生講  
解至其拊摩軫切催科數負殿中書劉克莊時爲計使

閱其斷訟以爲仁明兼至莞民亦建祠祀焉主管治司

辟守象州卒

舊志參閩書  
廣東通志

莊夢說晉江人嘉定七年以廸功郎任僊遊尉下車究心

職業年餘吏民畏服田里帖然歷官大理寺

舊志

董洪字穎實晉江人嘉定十三年進士第二人爲太學錄

遷博士丐外通判南劍就知郡事嚴身奉法勤撫凋弊

蠲役錢苗米以萬計創峽陽濟糴二倉以待歉歲更築

延平書院於窰塢士民德之

舊志

趙時煥字元晦魏王九世孫居晉江幼有俊譽嘉定十三

泉州府志

卷之四十六

宋循績

四十

年進士授侯官尉有能聲再調長溪姦惡悉奔他境號

神明尉辟湖湘帥幕官一夕訛傳北兵至官民洶洶欲

潰時煥治文書自如留同幕飲人心以安累遷太常寺

簿輪對首崇公道次極君子小人之狀改禮部郎疏攻

史嵩之爲其黨所忌淳祐八年以朝散郎出知撫州時

馬旗步旗軍素悍小不慊輒叫呶時煥準省劄節制之

有一卒剽人于貨執而戮于市迄代去無敢譁者增置

貢院脩復文昌堰寶祐三年以朝奉大夫提舉江西常

平義倉茶鹽司命下軍民相慶時煥以臨川新經量增

山稅病民奏減其半除廣東運判革潮州重稅戒飭汙

吏聞者悚息卒于官

舊志 宋史 閩書 西江志

鄭至果字子剛晉江人嘉定十六年進士授福清尉丁內艱有芝產于墳調永福丞連帥聞能治劇檄攝閩與永福令二邑皆治改建昌令既視事曰官民不相信何以爲治盡刷前令預借之數給鈔還民民始信服脩學宮造輿梁時有蛉患至果至官遂息且產瑞麥民生祠之改知梅州州屢易官百凡廢墜至果閱實脩舉百廢俱興齟寇出沒郡境戒嚴擒其兇渠梟之境賴以安

舊志 廣

泉州府志

卷之四十六

宋 循 績

四十一

東 通 志

留元英晉江人籀之子嘉定中進士理宗朝爲監察御史疏論試邑兩經罷黜者毋得再補縣攝州郡事過取事例飭監司按劾以聞又聞諸州軍僚屬私役禁軍及閩廣州縣於常賦外敷鹽擾民乞申嚴法禁皆從之遷工部侍郎終寶章閣待制

舊 志

蔡次傅字崑肖晉江人忌姪寶慶中任漳州司戶叅軍爲郡守危守積所器嘗餉之私錢不受以建公廳淳祐元年以宣教郎知仙遊縣審爲政先後首興學校作士氣

增學廩勸農桑民深懷之秩滿除登聞鼓院兼大小王

宮教諭尋除監察御史太常少卿

舊志參  
閩書

曾用虎字君遇晉江人從龍之弟弱冠工文辭累舉不第以兄任知寧海縣改尤溪通判福州歷知興化軍創城堤及脩太平廢陂民蒙其利號曾公陂期年蠲夏租代編尸輸餉直弛舍餘三萬緡設平糶倉備凶歲鋤盜必窮蹊隧豪右屏息居三年大治陳鞞帥江右請自代除府事改江西提刑時叛兵甫平支黨反側或勸以閒道兼程趨治所用虎曰不可吾待以不疑則彼信服矣攜

泉州府志

卷之四十六

宋循績

四十二

孥徐進疑者帖息既抵任悉力拊摩江右遂安遷轉運判官召爲吏部郎中改工部以華文閣帥廣西至鎮數

月罷未幾卒

舊志

傅康字仲孚晉江人伯成子少受學於孟父伯壽爲文典贍以父任知古田縣時方少年吏事明敏猾胥匿簿書賦入日少康籍其家出所匿按覈得實邑計以饒召爲司農丞知汀州時兄壘守漳父伯成往來就養鄉人榮羨徙南劍創祠祀周程諸賢籍廢寺田入書院贍生徒發奸摘伏吏不敢欺端平中累遷司農少卿兼右司諫

熟習典章帝甚材之督府挾重權多難從之請引義拒却朝倚爲重晚知袁州直徽猷閣致仕

舊志參  
閩書

王沂之字春伯晉江人以閣蔭歷官知新州有惠政將去民遮留累日帥瓊筦却例册錢貸民租卒于官以曾祖秉嘗立義齋延師儒誨學者厥後寢廢遺命子起震成之齋闢于家之南捐田三百畝爲師束脩且餽親而貧疎而賢者眞德秀守泉善之爲定規條表其閭曰王氏義塾云姪南一紹定閒擢兩科以太學博士判漳州能

文章

舊志參閩書  
廣東通志

泉州府志

卷之四十六

宋循績

四十三

魏必昌字世復晉江人初尉懷安年尙少有豪家訟田久不決必昌折以禮法兩豪皆服移興化錄事廉直自守無敢干以私有新貴人挾中官勢羅織仇吏矚必昌獄斃之且脅以危言竟不爲動吏得免劉克莊贈以詩曰守法仁人勇防身處女嚴

舊志

王序字景禮晉江人少與兄庚齊名淳祐七年進士授尤溪尉歷知長泰縣清脩自勵方正不阿時郡僉幕預徵大禮銀及打量田土文移甚峻序白郡守力爭之守文翁愈加敬任後攝守惠州瀕江無城海寇騷繹序浚壕

塹團保伍郡賴以寧得代航海而 宋亡徜徉邱壑以

終身焉

舊志參  
閩書

洪天驥字逸仲天錫弟晉江人淳祐七年進士少有異質貫通經史嘗割股愈祖母疾初尉建寧時海盜王若曾嘯聚千餘騷動郡邑諸所委捕多畏沮天驥直搗賊巢一舉平之邑有三大奸黨以次就縛折獄平允一言而定久隙之民歷知香山縣以文儒課士捐俸興學行政尙寬裁之以義邑多豪猾廉其尤桀黠者麗之法政聲爲諸邑最上官交薦其才擢大理寺丞知潮州祀名宦

泉州府志

卷之四十六

宋循績

四十四

閩書參廣東通  
志建寧縣志

留元亮晉江人碩子淳祐閒以宣教郎知古田縣有仁政嘗祠先賢創義塚置貢士莊

閩書

留元圭字粹中晉江人籀之子以蔭授承奉郎籀使金元圭時典箋奏禮文悉所裁定主管南外睦宗院知建安縣獄有重辟久不決一閱卽得其情均徭省訟治績爲諸縣最卒于官

舊志參  
閩書

諸葛琰南安人廷瑞孫直清子以任子累官邵武軍光澤尉閩寇弄兵山谷州郡騷動琰提步兵轉鬪不旬日授

首眞德秀上其事于朝進階儒林郎終信州僉書判官  
琰聰邁豪放有學術居官清貧家居與白玉蟾相善蟾  
贈之詩有指點篇書說向誰武侯之後獨公奇許瓢却  
大堯天小巖瀨應高漢座卑之句宋少主南下琰之羣  
季倡義死蒲壽庚之難獨琰知宋臆不再率其子隱武  
夷山中得免後移居城西古榕今所傳皆琰派也

閩書  
叅諸

葛氏  
家譜

邱雙薦晉江人景定中爲古田令公謹廉已嚴於御史古

田自留元亮置貢士莊雙薦捐俸益之

閩書

泉州府志

卷之四十六

宋循績

四十五

許伯詡字子揚同安人以父衍蔭官嘉定九年轉承事郎

知仙遊縣政多惠愛有便民錄數十條終福州通判

閩書

陳景魏晉江人知柔從孫以郊恩補信州鉛山簿歷監贛

州會昌令石城寇竊發景魏請乘機掩捕郡守然其計

破賊寨擒其酋餘黨悉平辟廣州新會丞改知潮陽縣

縣歲輸丁銀至郡例增耗曰錠頭錢景魏曰此小民無

窮之害亟裁去及解郡守謂不如例盡械邑吏景魏曰

令裁之當罪令守亟釋吏尋歷提轄文思院改知惠州

郡有疑獄久弗決景魏讞出之重正胥魁之罪惠經兵

燬痛自樽節起學宮官廨仍以餘力葺白鶴故居合江樓六如亭歲大飢上言民瘵未瘳乞減惠民糴米三之一改知韶州卒于英德洪天錫狀其行謂其少不倨老不惰病不昏化不怛信善人云

舊志參閩書  
廣東通志

牟滌字叔清晉江人咸淳二年知潮州除盜去奸加意脩

學

閩書

周鐘字君與晉江人咸淳七年進士授南劍州判官安靜爲政志存愛民百姓賴之卒于官及歸葬行道之人皆

爲流涕

舊志

泉州府志

卷之四十六

宋循績

四十六

林介卿晉江人登咸淳十年進士尉漳浦遷羅源令有惠政民愛之如父母邑多巨族前令多徇請託介卿不爲撓自是細民不爲豪右所漁再調龍巖時巨寇出沒介卿脩西寨募民儲穀時加訓練號令嚴明寇不敢犯鏤朱文公諭俗榜以教民旌孝門錄死事有古循吏風卒

于官

舊志參羅源縣志

劉叔智晉江人咸淳十年進士授金華尉改廣州錄參府帥年壯氣盛僚吏莫敢可否叔智據理救正甚多真德秀守泉州叔智白建翼城後知閩縣士民頌之通判吉州

請祠江萬里力薦之以主管宮告院輪對言天下大勢  
與當時急務詞意鯁切有勸使謁鄭清之者謝不往及  
清之再相坐萬里黨劾罷遂杜門不出

舊志參  
閩書

元循績

趙甫璫

王應祚

諸葛晉

楊相孫

陳希良

趙甫璫字瑩卿宋宗室子也領鄉薦除知寧遠廉介有守  
愛民禮士人稱政教父母任滿改新城以母老表辭歸

泉州府志

卷之四十六

元循績

四十七

侍得旨改福州之閩清後母喪服闋稱疾不仕

舊志

王應祚字舜卿晉江人泰定閒令邵武縣廉溫直諒文而  
有材新縣治葺學宮恆以陳古靈令仙居者教民繼知  
旌德縣歲輸米萬四千二百石有奇於郡陟危降深負  
攜數百里民有因是死亡者典史曹彌昌灼民苦爲計  
折直入鈔應祚立爲籲請撫按具題改折再閱歲得請

還報民困以甦

閩書參陳  
衆仲文集

諸葛晉字仲昭晉江人以明經授福建行中書省檢校兵  
興省檄分治尤溪縣鋤艾豪強有廉能稱境賴保障邑

有朱子毓秀舊址後爲南溪書院年久沒入豪家晉訪復之豪家利僧田晉追出以半還僧以半充書院贍士訟端以息文教日興是歲書院池中產瑞蓮二芝草五明興不應徵辟坐前代故官謫徙穎上卒於穎年七十

六子珪

舊志參閩書  
桐月山房稿

楊相孫字敬在其先本董姓餘杭人至祖君選爲元從事郎潮陽縣尹幼孤從母鞠於楊從楊姓居泉遂爲晉江人父伯淵爲泉州蒙古字學正相孫以諸生爲泉庠直學再補石井書院能公出納斥貪鄙以嚴正自持陞仙

泉州府志

卷之四十六

元循績

四十八

遊教諭復學田之侵牟者若干畝攝縣事明邑民因爭殺女之誣察甲弟毆嫂墮胎之妄轉長泰教諭朔望講義諄乎身心之學遷莆田學正陳叅政陳文龍死事請旌于朝餒劉後村文集俾傳于世及考行省便宜授建寧路教未上舉攝德化縣時邑在盜躬造其巢諭降之授漳州教授郡再被兵學廟葬爲儲胥禮樂之器掠賣于市屢以老請退不允請於大將移兵他所亟補弊苴缺稍復舊規而廩入在額外者亦實其數于籍卒于官年七十相孫自童年已有文譽及遊邱葵之門盡去凡

近篤志理學戶屢常滿爲文平實古雅務以理勝不事藻績天性孝謹質諒父疾顛天減年割股投粥卒哀毀逾禮負土營葬廬墓三年母喪如父與人交久近窮通無易心念祖成立於楊恩不可忘而楊無後願加董於楊之上俾二祀不絕上郡府以干憲部不行每時祭禮

必均焉所著有文集若干卷

節林登  
洲集

陳希良晉江人世襲泉州衛長際昇平日與縉紳論文賦詩講求治體會盜起屢策靖亂功陞漳州新軍萬戶行省以其明於政理檄攝漳守薦改文職授廣東宣慰副

泉州府志

卷之四十六

元循績

四十九

使未上復留守漳郡府副分垣黠民或怙勢凌上抑治不少貸事有當言白上官叅伍情法不以威讐利怵隣郡寇橫承命率師討之請曰橫者一二耳餘皆善良願無多殺以禍非辜濱危不懼凱捷無驕旣再臨郡民信愈篤吏服愈誠科徵調發急應非常賴維持得免病苦旣去百姓遮道齎咨涕洟若慕父母屯兵亂攻漳城旣敗而逸行省謂希良素信漳民遣諭其黨於海上降之民無餘禍漳紳士爲詩頌德累帙盈箱誌去思

採林登  
洲遺集

泉州府志卷之四十六終